

Jesús - Mixe, Isthmus

1.1 Jaduhñä Diosmädia'agy chohnda'agy ja'a Jesucristocøxpä, neby jiajty, neby yhabejty. Dioshuungä Jesucristo je'eduhñ.

1.14-15 1.14 Ja'a Juan, cujegy je'e chuuma. Coe je'e jaduñ chuuma, manitä Jesús jim ñøxtägajch Galilea. Manitä Jesús ja'a cu'ug tiägøøyy yajwiingapxøøbiä ja'a Diosmädia'agy cooc hñajty yhabaatnä coe ja'a Dios ja'a miøcmäjaa hñajty yajcähxø'øga'añ.

1.15 “Habáatnäp jaduñ coe ja'a Dios ja'a miøcmäjaa yajcähxø'øga'añ. Paadiä Dios ja'a miädia'agy hajxy mmäbøjcät. Weenä mjootä mwiinmahñdy hajxy myajtagach. Weenä mhaxøøgwiiinmahñdy hajxy mnajtshixø'øy.” Jaduhñä Jesús miänaañ.

1.21-27

1.21 Manitä Jesúshajxy jim miejch maa ja'a cajpt hñajty xiøhatiän Capernaum. Coe ja'a poo'xxiø yhabaaty, manit hajxy jiiy tiägøøyy tsajtøgooty. Manitä Jesús ja'a cu'ug tiägøøyy yajwiingapxøøbiä.

1.22 Manitä cu'ughajxy yagjuøøyy coogä Jesús hñajty hoy yajñähixø'øy nebiä møjcuhudjtmøødpän. Maas hóyyäc hñajty yajñähixø'øy quejee ja'a hñana'c-hajxy, ja'a Diosmädia'agy hajxy hñajty naxy yajñähixøøbiä tsajtøgooty.

1.23 Jiibiä mähdiøjc hñajty tu'ug tsajtøgooty, tøø hñajty yajtagø'øyii ja'a møjcu'u. Manitä møjcu'u tiägøøyy yaaxpä møc:

1.24 —Miiçh Jesús, Nazaret miiçh mdsooñ. Tii højts coe xmiädsibø'øy. Højts jaduñ xjia wi'i yajcuhdägoyyaamb, túhmäts. Nnajuøøbiøch pøn miiçh. Miiçhä Dios xyHuunghajp —nømä mähdiøjcä møjcu'u yajmänaañ.

1.25 Manitä Jesús ja'a møjcu'u yhojy:

—Hamón, jua'ads jim maa yøø mähdiøjcän —nømä Jesús miänaañ.

1.26 Manitä møjcu'u ja'a mähdiøjc je'e yajpojpaaty. Yáaxäbä mähdiøjc ñähwaatsä. Ja'a møjcu'u jaduñ yajyaax.

1.27 Coe ja'a Jesús ja'a mähdiøjc jaduñ yajñähwaach, jiaançh tehñ yagjuøøyy ja'a cu'ughajxy jaduñ nägøxiä. Manit hajxy tiägøøyy niñamáayyabä:

—Maa yøø craa cuhudjt jaduñ tøø ñä'ä mahñ piøcy coe yøø mähdiøjcä møjcu'u jaduñ yajñähwaatsä. Nej, hawiinjemyguiuhdujtäda'a miøødäjä —nømä Jesús ñänøømä.

1.32-34

1.32 Mänittsuu, coe ja'a xøø hñajty tøø quiuhnaxy, manitä Jesús pa'amjäya'ay may yajñamejtsä, jim maa ja'a Simón tiøjcän, møødä møjcu'umøødpähajxy.

1.33 Jimä cu'ughajxy hñajty may tiäna'ay tøgaaawjooty.

1.34 Manitä Jesús jäya'ay may yajpa'amnajxy. Madiu'ujä pa'am hajxy hñajty miøødä. Møødä møjcu'umøødpähajxy, yajñähwaatsä hajxy je'ebä. Manitä Jesús ja'a møjcu'u yhanehmy coe hajxy quia'a cápxät, je'eguiøxpä coe ja'a Jesús hñajty ñajuø'øyii pøn je'e.

2.1-12

2.1 Cujequiä Jesús jadähooc quiajptägøøyy Capernaum. Manitä mädia'agy wiä'xy coe hñajty jim tøø miéjtscumbä.

2.2 Mänitá jäya'ayhajxy may miejch maa ja'a Jesús hánajty miejsta'aguiän. Paquiä ja'a tøjc jaduhñ yhujch. Høxtä tøguubiaady hajxy miejch. Mänitá Jesús ja'a cu'ugä Diosmädia'agy tiägøøyy yajwiingapxøøbiä.

2.3 Mänitá pa'amjäya'ay tu'ug quiøømiejtsä cø'ømucy tecymiucy. Nämädaaxcä jäya'ayhajxy hánajty quiø'oy tsaajiooty.

2.4 Cabä pa'amjäya'ay hánajty hoy yajmedsa'añii maa ja'a Jesúsän, coo ja'a jäya'ayhajxy hánajty jiaanč tehñ miayyá. Mänitá mähdiøjc miäbejtä cuhjodiøjnähgøxp. Mänitá tøjc hajxy weeñtiä yajcuhwaach, jim mädøyyä maa ja'a Jesús hánajty pia'täna'ayän, mäduhñtiä pa'amjäya'ay hoy ñänaxy. Mänit jaduhñ quiuhdøñajxä tsaajiooty. Jiiby hoy quiäda'agy maa ja'a Jesús wyiinduumän.

2.5 Paadiä pa'amjäya'ay yajmejtsä maa ja'a Jesúsän, ñajuøøby hajxy hánajty coo ja'a pia'am hánajty yajnaxáañäxä. Coo ja'a Jesús jaduhñ yhiijxy coo ja'a miädia'agy hánajty miäbøgáañäxä coo hánajty miäyajtso'oga'añ, mänitá pa'amjäya'ay ñämaayyá:

—Mägu'ughajpä, tøø ja'a mboj tøø ja'a mgädieey xñähwa'ačh —nømä Jesús miänaañ.

2.6 Jiibiä häna'c-hajxy hánajty näje'e piahäña'ay, ja'a Diosmädia'agy hajxy naxy yajnähixøøbiä tsajtøgooty. Jiiby hajxy hánajty miämädoonaabiä. Mänit hajxy näje'e miänaañ quiopcooty:

2.7 “Tii yø'ø craa jaduhñ coo miäna'añ cooc tyijy yø'ø pa'amjäya'ay piojpä quiädieey tøø yajnähwáatsäxä. Cap pøn cuhdujt miøødä coo jäya'ayä piojpä quiädieey yajnähwáatsät; jagooyyä Dios tu'uquiä miøødä.”

2.8 Ñajuøøyy ja'a Jesús jaduhñ waambaty hajxy hánajty miädia'agy quiopcooty. Mänit hajxy ñämaayyá:

—Tii hajxy jaduhñ coo mwi'i miädia'agy mgopcooty.

2.9-11 Høøčh, Diosquéxyhøch høøčh, páadyhøch cuhdujt nmøødä coočh jäya'ayä piojpä quiädieeyhajxy yaa nyajnähwáatsät hädaa yaabä naaxwiin. Hädaa mähdiøjc, nyajpa'amnaxáambiøch hädaa. Jaduhñhøch nyajcähxø'oga'añ coočh njaanč Diosquexiä. Jaduhñä tøyhajt hajxy mmøødhájpät coočh cuhdujt njaanč møødä coočh jäya'ayä piojpä quiädieeyhajxy nyajnähwáatsät —nømä Jesús miänaañ.

Mänitá pa'amjäya'ay ñämaayyá:

—Tänaayyø'og. Widsø'og yø'ø mdsaay. Nøcxnä maa ja'a mdøjcän.

2.12 Tuunä ja'a Jesús jaduhñ ñä'a mänaañ, mänitá pa'amjäya'ay jiaanč møcpøjcy. Mänit tiänaayyø'cy. Mänitá chaay wyidsø'cy. Mänit tiu'ubøjnä. Coo ja'a cu'ughajxy jaduhñ yhiijxy, mänit hajxy nägøxiä jiaanč tehñ yagjuøøyy. Mänit hajxy miänaañ:

—Ni mänaa højts jaduhñ nga'a híjxäm.

Mänitá Dios hajxy wyiingudsähgøøyy.

4.35-41

4.35 Coo chuujøøyy, mänitá Jesús ja'a jiamiøød ñämaayy:

—Tsøc hajxy jáamäm barcojooty; jam hajxy jimhaamby mejyhawiimb.

4.36 Jiibiä Jesús hajxy hánajty yhäña'ay barcojooty møødä jiamiøødhajxy. Mänit hajxy tiu'ubøjcy. Jiibiä jäya'ayhajxy näje'e piadu'ubøjpä wiingbarcojooty. Pero ja'a majiäya'ay, jim hajxy miähmøøyy mejypia'a.

4.37 Mänit møc tiägøøyy pojpä. Mänitá mejy tiägøøyy ja'tspä. Mänitá barco ñähja'tspejtä. Mänitá nøø com tiägøøyy barcojooty. Høxtä hujs ja'a barco jaduhñ. Quinaambä barco hánajty.

4.38 Pero ja'a Jesús, maab hánajty je'e jiiby barcohøjxhaam. Cuhnø'øxø'oy hánajty jiiby mia'ay. Jaanč tehñ chähgøøbiä Jesús ja'a jiamiøødhajxy hánajty. Mänitá Jesús hajxy hoy yuxy. Mänitá Jesús

ñämaayyá:

—Wiindsón, nej, caj mdajy mmayyá coo hajxy nguhdägoyyáanämá.

4.39 Coo ja'a Jesús mia'abiädø'cy, mänitá poj yhojy møødä mejy coo yuungø'wät. Mänitá poj jiaančh mooñ; møødä mejy, yuungø'yy je'ebä.

4.40 Mänitá Jesús ja'a jiamiøød ñämaayy:

—Tii hajxy hijty coo mwi'i chähgø'øy. Nej, cab hajxy mmäbøquiä cooçh møcmäjaa nmøødä.

4.41 Jaančh tehñ chähgø'by hajxy hänäjty. Mänit hajxy hamee'ch ñiñämaayyá:

—Pønäda'a yøø; høxtä poj møødä mejy, cudiúunäxäbä miädia'agy yøø.

5.22-24

5.22 Mänitá Jesús jäya'ay tu'ug wyiinijcädaacä. Jairo hänäjty xiøhaty. Je'e hänäjty jim tuumb wiindsón maa ja'a tsajtøjcän.

5.23 Mänitá Jesús miänuu'xtaacä:

—Wiindsón, møjtá'agyhøch nhuung. To'oxiäna'c je'e. Majmetscjumøjt miøødä. Jámhøch nhuung cø'nähgäjpäc, ween jaduñ miøcpøcy —nømä Jairo miänaañ.

5.24 Mänitá Jairo ja'a Jesús miødhajty. Jimä jäya'ay ja'a Jesús hajxy hänäjty may pianø'øch piabooñ.

5.35-42

5.35 Jimä Jesús hänäjty miädia'agynä, mänitá jäya'ayhajxy näje'e miehch. Jim hajxy hänäjty tøø chohnda'agy maa ja'a Jairo tiøjcän. Mänitá Jairo ñämaayyá:

—Tøø ja'a mhuung yho'nä. Ca'a Jesús mhadsijpnä. Tii jaduñ jim ñä'a jaac túnäp. Tøø ja'a mhuung yho'nä.

5.36 Coo ja'a Jesús jaduñ yhamädoonajxy, mänitá Jairo ñämaayyá:

—Ca'a mga'a mäbøcy. Ca'a mjootmayhaty —nømä Jesús miänaañ.

5.37 Mänitá Jesús miänaañ coo pøn jim quia'a panøcxät maa ja'a Jairo tiøjcän. Jagóoyyägä Pedrohajxy jim ñøcxät møødä Santiago møødä Juan, ja'a Santiago piuhya'ay.

5.38 Coo hajxy jim miehch maa ja'a Jairo tiøjcän, jaančh tehñ jiøøby jaančh tehñ yaaxpä jäya'ayhajxy hänäjty jim.

5.39 Mänitá Jesús hajxy tiøjtägøøyy. Mänitá Jesús miänaañ:

—Cajxä yøø to'oxiäna'c ñä'a h'oguiäbä. Tii hajxy coo mwi'i jiøøy coo mwi'i ya'axy. Nä'a maab yøøduñ.

5.40 Coo ja'a Jesús jaduñ miänaañ, mänit ñäxiicä. Mänitá Jesús ja'a jäya'ay cøjx yhøxquejxpädsømy tøghaguuy. Mänitá Jesús ja'a to'oxiäna'c hajxy ñänøcxy maa to'oxiäna'c hänäjty quio'na'ayän, møødä Jesús ja'a jiamiøødhajxy, møødä to'oxiäna'cä tiaj tieedyhajxy.

5.41 Mänitá Jesús ja'a to'oxiäna'c wyidsø'cy. Mänit ñämaayy:

—Quixyhuung, pädø'øg.

5.42 Tuunä ja'a Jesús jaduñ ñä'a mänaañ, mänitiä to'oxiäna'c jiaančh pädø'cy. Mänit yo'oyø'cy.

Jiaančh tehñ yagjuøøyy ja'a Jairohajxy jaduñ møødä Jesús ja'a jiamiøødhajxy.

7.18-23

7.18 Mänitá Jesús yhadsooy:

—Nej, ni mijtshajxy jaduhñ tøø mga'a wiinjuø'oyä waambátyhöch tøø nja mädia'aguiä. Jaduhñds je'e, tijaty hajxy mgaaby mhuucypy, cab hajxy xyajcädieey.

7.19 Hix, ja'a jøø'xy ja'a pøcy, jiiby jaduhñ yhäda'agø'oy maa ja'a mjøø'xytiøjc-hajxiän. Jadähooc nøcxy piädsømy. Cab jaduhñ jiiby tiehm tiägø'oy maa ja'a mjuøhñdyhajxiän —nømä Jesús miänaañ.

Jaduhñ hädaaduhñ miädia'agytiägø'oy coo ni mädyii jøø'xy pøcy quia'a hamajtsä.

7.20 Mänitá Jesús miänáangumbä:

—Pero ja'a haxøøgwiinmahñdy, je'eds hajxy mäbøjnäbä xyajcädieeyäp.

7.21-22 Coo ja'a jäya'ay haxøøgwiinmahñdy hajxy jiaanč tehñ miøødä, paady hajxy haxøøgaty jiaanč tehñ jiatcø'oy; paady hajxy miämeeč, paady hajxy ñiyagho'ogyii, paadiä jäya'adio'oxiøjc hajxy miøødsäna'ay, paadiä jäya'ajie'e hajxy yhadsoy, paady hajxy miäwiinhøøñ, paady hajxy ñiñähojyii, paady hajxy jiaanč tehñ yajcumaya'añ, paady hajxy quia'a nä'ägädä wiinmahñmech. Coo hajxy naxy miu'ugyii, paadiä hadsojwiinmahñdy hajxy miøødä.

7.23 Jaduhñds je'e, jaanč tehñ miadiu'u ja'a haxøøgwiinmahñdy jii. Je'eds hajxy jaduhñ mäböcy xyajcädiehby.

Mänitá Jesús miädiaacpäðøñä.

9.2-8

9.2 Cudädujxøø, mänitá Jesús ja'a Pedro wioonøcxy maa ja'a tun jaanč tehñ quiøxpän, näguipxy møødä Santiago møødä Juan. Nämädaaxyä hajxy hänäjty jim. Mänitá Jesús wyiin jiøjp wiing jiajty maa ja'a Pedro wyiinduumhajxiän.

9.3 Høxtä haamb høxtä tsämaambä Jesús hänäjty møødä wyit møødä tiucxy. Jaanč tehñ pioobä wyit hänäjty nägø'ø nädecypiä.

9.4 Mänitá Elíashajxy jim nägüehxtø'xy møødä Moisés. Jimä Jesús hajxy hänäjty wyi'i miøødmädia'agy. Nägoojä Pedrohajxy hänäjty ñä'ä hijxcäda'agy ñä'ä hee'pcäda'agy.

9.5 9.6 Jaanč tehñ chähgøøbiä Pedrohajxy hänäjty. Cab hajxy hänäjty ñajuø'oy waamb hajxy jaduhñ ñä'ä mäná'anät. Mänitá Pedro nä'ä nägoobä miänaañ:

—Wiindsøn, hoyøøyy jaduhñ coo hajxy yaa tøø nbéjtäm. Nhuuc hädiuñ højts tøjquemyhuung tägøøg maa mijtshajxy häyaa cødu'ug myaghäña'awø'øwät, møød miich, møødä Moisés, møødä Elías —nømä Jesús ñämaayyä.

9.7 Tuunä ja'a Pedro jaduhñ ñä'ä mänaañ, mänit hajxy ñäma'anähbejty. Mänitá Dios jiiby quiapxy näma'ajooty: “Høøch nHuung hädaa. Njaanč tehñ chøjpiøch hädaa. Mäböjca miädia'agy hajxy.”

9.8 Coo ja'a näma'a chajpejty, tøø ja'a Moiséshajxy hänäjty yhadägoyyø'oy møødä Elías. Coo ja'a Pedrohajxy jia hijxwädipty, cabä Moisés hajxy yhiixnä ni ja'a Elías; jagooyyä ja'a Jesús hajxy jiaag hijxy nidiuhñ.

12.28-31

12.28 Jimä jäya'ay hänäjty tu'ug yhamädoowhity. Tsajtøgooty hänäjty tiuñ. Coo miädooy coo ja'a Jesús hänäjty hoy tøø yhadsoy, mänitá Jesús hoy wyiinguwa'agø'oyii. Mänit nämaayyä:

—Madiu'u ja'a Moisés hajxy jecy xyhanéhmäm. Mädyii jaduhñ maas tungpaatp —nømä Jesús miäyajtøøwä.

12.29 Mänitá Jesús yhadsooy:

—Jaduhñ je'e miäna'añ: “Pønjetiä Israel jecy haphajt teedyhajt, hamädoowhit hajxy. Ja'a Dios hajxy nWindsønähjätäm. Tu'uquiä Dios jaduhñ Dyioshaty.

12.30 Hamuumdu'jootä Dios hajxy mjaanč tehñ wyiingudsähgø'øwät nägø'ø nädecypiä. Mäböjca

miädia'agy hajxy homiänaajä. Jahmiets hajxy jaduhñ cøjxta'axiøø.”

12.31 Jaduhñä miämetspä miänaambä: “Mdsógäbä jäya'ay hajxy nägøxiä nej mijts hamdsooyä mniçhogyiijän. Ni mädyii mädia'agy jaduhñ quia'a mäbaady neby hädaa mädia'agy metspä tiuungpaadiän” —nømä Jesús miänaañ.

14.10-11

14.10 Jimä Jesús ja'a jiamiøød hänajty tu'ug xiøhaty Judas Iscariote, ja'a hajxy hänajty nämajmetspä. Mänitä Judas ja'a teedywiindsøn hoy miøødcojyquiapxytiuñ coo ja'a Judas ja'a Jesús hänajty tiooga'añ.

14.11 Coo ja'a teedywiindsøn hajxy jaduhñ miädooyy, mänit hajxy jaduhñ jiaançh tehñ xioondaacpøjcy. Mänitä Judas yajwiinwaanøøyyä coo xädø'øn hänajty mio'owa'añii. Mänitä Judas tiägøoyy wiinmaabiä nebiä Jesús paquiä yajcø'ødägø'øwät.

14.44-46

14.44 Tøø ja'a Judashajxy hänajty quiojyquiapxytiuñ: “Ja'açh hänajty ndsu'xaambiä, je'e hänajty je'e. Mänit hajxy mmädsät. Mänit hajxy nøcxy mdsuñy”, nømä Judas hänajty tøø miäna'añ.

14.45 Mänitä Judas ja'a Jesús nämejch. Mänit nämaayy:

—iWiindsøn!

Mänitä Judas ja'a Jesús jiaançh tsu'xy.

14.46 Mänitä Jesús miajtsä.

15.6-15

15.6 Jaduhñä Pilato hänajty jomøjt-jomøjt quiuhdujthaty coo xøø hänajty jiadyii, mänitä tsumyjiäya'ay naxy tu'ug yajpädsømy, ja'a judiøshajxy hänajty yajnähdijpiä.

15.7 Jiibiä jäya'ayhajxy hänajty näje'e chumyçhänä'ay. Tsip hajxy hänajty tøø yagjadyii. Tøø hajxy hänajty miäjäya'ay-yagho'ogy. Tu'ugä tsumyjiäya'ay hänajty xiøhaty Barrabás.

15.8 Coo ja'a cu'ughajxy jim miejch maa ja'a Pilato wyiinduumän, mänitä Pilato hajxy jaduhñ nämaayy coo ja'a tsumyjiäya'ay tu'ug yhøxmädsät.

15.9 Mänitä Pilato yhadsooyy:

—Nej, jaduhñ hajxy mmäna'añä cooçhä Jesús nhøxmädsädä, ja'a tyijy hajxy mgobiernähajpiä.

15.10 Paadiä Pilato jaduhñ miänaañ, ñajuøøby hänajty je'eduhñ tiiguiøxpä ja'a Jesús coo yajcø'ødägøoyy ja'a teedywiindsøn. Paadiä Jesús jaduhñ yajcø'ødägøoyy je'eguiøxpä coo ja'a miädia'agy hänajty quia'a yajmädsøjcäxä.

15.11 Mänitä teedywiindsøn ja'a cu'ug hajxy jiojcapxøoyy coo ja'a cu'ughajxy jaduhñ miäná'anät coo ja'a Jesús ween quia'a høxmaçhii, weenä Barrabás ñä'ägä høxmaçhii. Coo ja'a cu'ughajxy jaduhñ jiaançh mänaañ,

15.12 mänitä Pilato ja'a cu'ug jadähooc miäyajtøoyy:

—Y yøø Jesúsäts, ja'a tyijy hajxy mgobiernähajpiä, neby hajxy yøø myajnähdijy nébiøch yøø ndúnät.

15.13 Mänitä cu'ughajxy møc yaaxy:

—Møjpahbet hajxy cruzcøxp.

15.14 Mänitä Pilato miänáangumbä:

—iPero tisän! Tii tøø quiädieey.

Mänit hajxy maas møc yáaxcumbä:

—Møjpahbet hajxy cruzcøxp.

15.15 Mänitä Pilato jiaanč mänaañ coo ja'a Barrabás hajxy ween nõcxy yajpädsõmy pujxtõgooty. Hix, cabä Pilato ja'a cu'ug hãnjty yagjootma'ada'añ. Mänitä Pilato miãnaañ coo ja'a Jesús wiobho'ogõjät. Mänit miãnaangumbä coo ja'a Jesús hajxy nõcxy cruzcõxp miõjpahbety.

15.33-39

15.33 Nägooyä quiujyxioõjõõy, mänit jaduñ cõjx wyiingoodsõ'oy. Tägõõghora jaduñ yhiyty wiingoods.

15.34 Coo ja'a xõõ jaduñ wyiinajtútcumbä, mänitä Jesús mõc yaaxy: “Eloi, Eloi, lema sabactani.” Jaduñ miãdia'agytiägõ'oy: “Diosteedy, Diosteedy, tiich coo tõõ xñähgue'egy.”

15.35 Jimä jäya'ayhajxy hãnjty näje'e miãhee'pna'ay. Coo hajxy jaduñ miãdooyy, mänit hajxy miãnaañ:

—Mäduw, Elíasäda'a mõjyáaxäp.

15.36 Mänit tu'jäya'ay esponja hoy quioñ päyõ'õguiä. Mänit jiiby piama'tsnajxy xunvinojooty. Mänitä esponja yujxõjch paaxyjõbhaam. Mänitä Jesús yaghagaabõõy coo jaduñ wyiinmúgät. Mänit jaaya'ay miãnaañ:

—Tsõc huuc híxãm põ minaambä Elías, põ yajmãnacãñbä Jesús cruzcõxp.

15.37 Mänitä Jesús mõc yáaxcumbä. Mänit yho'nä.

15.38 Tuunä ja'a Jesús jaduñ ñä'ä ho'cy, mänitä tsajtõjc-hadõõdiujt cujiä quiõõ'tswa'xy. Quiuhduum chõhndaacy, hõxtä yhõxhaam jaduñ yhagõõdsõõy.

15.39 Jimä capitán ja'a Jesús hãnjty tu'ug wyiindãna'ay. Coo yhiyty coo ja'a Jesús hãnjty tõõ yho'ogy, mänit miãnaañ:

—Tõyhajt yõ'õduñ hijty Dyioshuungä.

15.42-46

15.42 15.43 Ja'a viernes hãnjty tsuujõõby. Ja'a poo'xxiõõ hãnjty tsohnda'agaamb, ja'a pascuaxõõ.

Ñähix yahixõõbiä judíõshajxy hãnjty ja'a pascuaxõõgõxpä. Jimä jäya'ay hãnjty tu'ug choõñ Arimatea. José hãnjty xiõhaty. Jim hãnjty miõjtuungmõõdä tsajtõgooty. Jaanč tehñ yhojiäya'ayä José hãnjty. Jiõbhixyp hãnjty jaduñ coo ja'a Dios ja'a mõcmãjaa hãnjty yajcãhxõ'õga'añ. Mänitä José ja'a Pilato ja'a Jesús ñãaxni'x hoy miäyujwaanä. Hix, cabä José ja'a Pilato hãnjty chãhgõ'oy.

15.44 Cahnä Pilato hãnjty miãdoyhatyñä coo ja'a Jesús hãnjty tõõ yho'nä. Yagjuõõy je'eduhñ coo ja'a Jesús paquiä yho'cy. Mänitä Pilato ja'a capitán miõjyaaxy. Mänit miäyajtõõy mäduhñajtä ja'a Jesús yho'cy.

15.45 Coo ja'a Pilato jaduñ yhawãañäxä coo ja'a Jesús hãnjty tõõ jiaanč ho'ogy, mänit miãnaañ coo ja'a José ja'a ho'ogyjiäya'ay ween yajmãnacy cruzcõxp.

15.46 Mänitä José sãbana hoy jiuuy. Mänitä Jesús hoy yajmãnacy cruzcõxp. Mänit ñãhbijty ñãhmojch sãbanahaam. Mänit hoy yajnaaxtãgõ'oy tsaajutjooty. Mänitä tsaajut ja'a tsaã hajxy yaghadãguejtãgooyy.

16.1-7

16.1 Coo ja'a poo'xxiõõ hãnjty tõõ ñãjxnä, mänitä María perfume hajxy hoy jiuuy, mõõdä Magdala-tsohmbä, mõõdä Santiago tiaj, mõõdä Salomé. Ja'a Jesús ja'a perfume hajxy hãnjty yajñãhjaaxaamby.

16.2 Cujaboom jopy ja'a Maríahajxy jim nõcxy maa ja'a Jesús hãnjty tõõ ñãaxtãgõ'õyän. Nãxõõ hãnjty je'e. Tõõ ja'a xõõ hãnjty piãdsõõmnä.

16.3 Tu'haamnõcõxpä hajxy tiãgõõy niãmãayyãbä:

—Pøñä tsaa häyaa hadäguejtú'udäp.

16.4 Tehm miejtsp hajxy hänajty jim, mänitä tsaajut hajxy yhijsy coo hänajty yhawa'adsän. Tøø häna'cä tsaa hänajty yagjua'ačh, hoyyä tsaa hänajty jia cruundä.

16.5 Coo hajxy jiiby chaajuttägøøyy, mänitä muutsc-häna'c hajxy tu'ug yhijsy. Jiiby hänajty yhäña'ay hahooyhaamby. Yomybioobwit hänajty miøød. Coo ja'a Maríahajxy jaduhñ yhijsy, mänit hajxy chähgøøyy.

16.6 Mänit hajxy ñämaayyä:

—Ca'a hajxy mdsähgø'øy. Ja'a Jesús hajxy mhøxtaaby, ja'a jim tsohm̄bä Nazaret, ja'a tøø miøjpahbedyijjábä cruzcøxp. Tøø jiuypiojtägach. Tøø yaa chohnñä. Huuc tehñ yhiñ hajxy, cab je'e yaajän maa je'e piädaacän.

16.7 Nøcx ja'a jiamiøød hajxy hawaañä. Møødä Pedro, mhawáañäp je'ebä. Jaduhñ hajxy mhawáañät cooc jim ñøcxa'añ Galilea. Jímäc hajxy nøcxy piaady, neby hajxy hijty tøø yajmøødmädia'agyiijän —nømä muutsc-häna'c miänaañ.

16.15-16

16.15 Nøcx hädaa mädia'agy hajxy yajwa'x wiinduhmyhagajpt. Jaduhñä jäya'ay hajxy nägøxiä myajwiingapxø'owät neby hajxy ñähwá'adsät.

16.16 Pøñjaty jaduhñ mäbøjp, pøñjaty jaduhñ näbejp, je'edshajxy jaduhñ nähwa'adsaamb. Pero pøñjaty jaduhñ ca'a mäbøjp, haxøøgtuum hajxy je'e miähmø'owa'añ.

16.19-20

16.19 Coo ja'a Jesús ja'a jiamiøødtøjc miøødmädiaacpädøøyy, ja'a hajxy nWiindsønhájtämbä, mänit ñøcñä tsajpootyp. Mänit hoy yhøxta'agy maa ja'a Tieediä yhahooyhaampiän.

16.20 Mänitä jiamiøødhajxy jiaančh tu'ubøjcy. Mänitä mädia'agy hajxy hoy yajwa'xy wiinduhmyhagajpt. Piuhbejpä Jesús ja'a jiamiøødtøjc hänajty. Majaty hajxy hänajty wiädity, yajcähxø'piä hijxtahñd hajxy hänajty hoy-yagjuøøñäjaty. Jaduhñ hänajty yajnajuø'øy coo hajxy hänajty tiømiädia'agy. Amén.